

437.

Landgraf Hermann II. von Hessen gewährt den Bewohnern der Schlösser und Städte Eschwege, Sontra, Rodenberg, Milsungen und Niedenstein Verzeihung. Treffurt, 1392 Juli 9.

Hdschr.: Or. Perg. Gemeinschaftl. Archiv Weimar Reg. C S. 155 No. 1^o. Das S. an Pergamentstreifen.

Wir Herman von gots gnadin lantgrafe zcu Hessen bekennen — vor uns, unse 5
erbin und nochkommen, daz wir genzlichin und gar vorgebin habin und vorgebin mit
dissen selbin bryfe allin den luden, die yn den sloßen und steden Esschenewege,
Suntra, Rodenberg, Milsungen und Nydensteyn gewest sin, als sie gewünnen wordin,
adir dornoch dorin sin kommen, sie sin geistliche adir werltliche lude, alle den unwillen,
den wir zcu en gehat habin adir gehabin mochtin, also daz wir, alle unse erbin und noch- 10
kommen der geschichte nummer zcu en sollin gesachin mit worten, mit werkin noch yn
dehein wiz, wie man daz irdengkin mochte. Sundern wir, unse erbin und nochkommen
sollin sie getruwelichin und vesteclichin schuczin und vorteydingen, wo sie dez be-
dorffin, glich andern unsern landin und ludin alle argelist und geverde uzgesloßin, daz
wir vor uns, unse erbin und nochkommen dem hochgeborn furstin unserm liebim ohem 15
und bruder hern Balthazar lantgrafen zcu Doringen unde marggrafen zcu Missen yn
guden truwen an eydes stad geredt und globit habin. Und zcu merer orkunde han wir
unser ingesigel an dissin brieff laßin hengken, der gegeben ist zcu Dreforte noch gots
geburd driczen hundirt und yn deme zcwey und nunczegisten iare an dem dinstage nest
vor sente Margareten tage der heiligen iungfrouwen. 20

438.

Landgraf Balthasar verspricht Apel, Lutolf und Otto von Ebeleiben, Bosse Vicztum zu Rosla, Fritzsche von Wangeheim dem Aelteren, Burghart Schencke und Otto von Buchinouwe, sich mit Heinrich von Erffa wegen des Schlosses Erffa nicht zu einen, bevor den Ansprüchen jener an letzteren Genüge geleistet ist. Eisenach, 1392 Juli 10. 25

Hdschr.: Gleichzeit. Abschr. Hauptstaatsarchiv Dresden Cop. 2 fol. 104.

Gedr.: v. Wangenheim Regesten und Urkunden zur Gesch. des Geschlechts Wangenheim 2,84.

Ann.: Völlig übereinstimmender Revers der von Ebeleiben u. s. w. von demselben Datum Or. Perg. Gemeinschaftl. Arch. Weimar Reg. Rr pag. 442 IV L No. 5; die 3 SS. an Pergamentstreifen. Gleichzeit. Abschr. Hauptstaatsarchiv Dresden Cop. 2 fol. 104^b. 30

Wir Balthasar ꝛc. bekennen —: als die gestrengin unser libin getruwin er Apil,
er Lütolf unde Otte von Ebeleiben gevettirn, er Bosse Vicztum czu Rosla, Fricczsche
von Wangeheym der eldir, Burgghart Scheñcke unde Otte von Buchinouwe ern Hermans
son sich keyn uns verbunden unde vorphlichtit habin, daz wir ir volkümelich czu reichte
keyn ern Henrich von Erffa mechtig sin sullin, unde wan uns derselbe er Henrich von 35
Erffa lange her unser lehin unde reicht, daz wir czu dem slozze Erffa unde sinen czu-
gehörungin habin, vorhaldin had unde noch vorheldit, wollin wir uns mit demselbin von